

اجتهاد

آدرمس :

IDJT I H A D

Constantinople

اوجنجی سنه

آدرمس :

اجتهاد اداره خانه سی :

شهر مانئی قارشیپنده دائره

مخبره و مدرسه

سنه ۴۰ بیل ، نسخه سی

۲ غروشدر

آیده ایکی دفعه نشر ایدیلیر اقتصادی ، اجتماعی ، ادبی ، مجمره

دولت ابد مدت

حالا کوزمک اوکنددر، روس - ژاپون محاربه سی
انسانده اورویا غزته لرندن بیر، شدت یأسندن میدان
حربده تیجن ایدن بیر روس میر آلاینک رسنی یأیمشدی .
میر آلی ، (مانچوریا) وادیلرندن بیرنده بیر قیا اوزده رنده
تصویر اولونیوردی . قیلجی چکمشدی . البسه سی
پارچه بارچه اولمشدی ؛ صاچی و صاقالی بیر ییرینه
قاریشمش وضوئوق روز کارک اوکندده باشک وپوزینک
بیر طرفه ییغلمشدی ، شاقه سی دوشمشدی . رسمک
آلنده متجن میر آلیک اوخالده سوله ذیکی سوز اولاراق
شو عباره یازیلی ایدی : « ژاپونلر بزی هر طرفده وداثما
مغلوب ایدیورلر غزته لرمن ایسه حالا روس اردوسنک
مانچوریا ده مظفریات و غلباتندن بحث ایدیور! » سیاسی
کوز اوگمدن کیسه من آق صاچلی روس میر آلاینک فریادینه
مشابه بیر فریاد ، شیمدی بنم بوغازیمی طولدورماقده در :
دولتمهر طرفده قنابولورهر طرفندن اولدورولور ،
اولور ، بز حالا دولتمزک « دولت ابد مدت » اولدیغنه
بیر اعتقاد سخیف ایله معتقد کورونمکده یز . بوتعیری
دنیا نك اذ متین ومعظم دولتی اولان انکلتزه بيله ، مسخره

اولماق سیزین قوللانماز . بو « دولت ابد مدت » تعیری
بزم روحزک ترجمه خرافه سی در وهر حالده بوتعیر روحزک
روحز بوتعیرک والد ومولودیدر . روحده کی آتشک
عبارات مشتعل خالنده خارجه صاچلوب بیر مزارلقده
تباہ اولماسنی ایستمه یورم . بناء علیه « نمونه امثال اولاجاق
اک صولغون بیر فعل فداکاری ، اک پارلاق بیر بارقه
تهوردن داها زیاده پارلاق ، داها زیاده مؤثر در » حکمتی
اونوتما یاجم شورایه پریشان بیر قاچ حقیقت قید ایتمکله
اکتفا ایده جکم . طرابلس غرب تورکیانک دیکر ولایات
کیمی یرولاچی اولاراق تلمرو حکومتزه داخل اولدینی
کوندن بوکونه قادر یوزیکرمی سنه چکمشدر . بیر میلیون
کیلومترو مربندن فضله برمساحه سطحیه مالک اولان
بوملککتک مرکزنده بیله عسا کر موجودینی استیعا به
کافی بیر قشله یوقدر . عسا کرک بیر قسم مهمی (اردوگاه)
دینیلن بیر میدانده چادیرلر آلنده ائتم ایتمکده در .
مرکز خسته خانه سنده ، یاغورلی کونلرده خسته قوغوشلری
ایچنده . ویزیه اجرا ایدن اطبا بیرالنده شیمیه طوتما به
مجبوردر .

هر حالده ، بوندن سکر سنه اولنه قادر احوال

بومرگ زده ایدی . لیان یوقدر ، یول یوقدر ، قاریقه یوقدر ، شومندوفر یوقدر ، مکمل مکتب یوقدر ، تلغراف شبکه سی یوقدر ، مکمل استحکام یوقدر ، طرابلس هجوم ایده جک دشمن حرب کیملری برهوا ایده جک « لغ » لر یوقدر . حاصل عمران ، قوته ، نوره ، رفاه وشوخته متعلق اولان هرشی یوقدر . بویوقلقلردن خیر اولانلر مزده یوقدر . طرابلس یر طرفده مصر ، دیگر طرفده تونس .. مکمل شوصه یولار ، تلغراف ، شومندوفر ، تلفون الخ کچی مآثر عمران ایله آراسته در . برآ ، بحرآ ، داخلآ خارجآ امن ومدافعه وانضاط ایله محفوظ و مؤمن در . (مصر) ک (تونس) ک نفوسی صوک اون بش یکر می سنه صرفده یکون سابقک بیر مثلندن داهاز یاده بیر مقدارده تراید ایتشددر . بزم (طرابلس غرب) مزده عمومی بیر تخریر نفوس بیله هنوز اجرا ایدیله مشددر . ایکی سنه [۱۸۹۵ الی ۱۸۹۷) طرابلس غربده منفباً ومأموراً اقامت ائساننده رأی العین کورولن احوال بودر . صوک یدی سکر سنه طرفده قیده شایان بیر تحول وترقیقک حیز حصوله کتیر یله دیکنی ایکی ای اول طرابلس غربدن کلن یاران ، سوزو کداز ایله ، حکایه ایتدیلر . بیرملکک صاحبی اولان وصاحبی قالمق ایستین بیرملت وحکومت ملککی بویه بر اقاماز « فضیلت سیاسیه » قوتدن عبارت در . بویبر حقیقت در ، که کوش پارلاقدر دیمک قادار مبتزل در . بوبویه اولدینی و « حق ضعیف دکل قوی نک در » قانون مرحمت ناپذیری میدانده بولوندینی حالده بزم بوکون قرشیسنده بولوندیغمر تعرض وهجومه خارجدن می یوقسه داخلدن می کش نظر یله باثاجاغمر تین ایدر . طبیعت ، متعددن زیاده تعدی به زمین مساعد اولان تعدی دیدینی تجریم ایدر ، قانون طبیعت ، قوتلینی بقا ایله مکات ، ضعیفی محو ایله مجازات ایدر . « تاریخ مقطع الامل اقوام ایچین فی امان در » دین حکیم (ازواه) « حقیقی مدافعه ملیه آنجا ق بر ایمان جدیدک حصولنده در »

حکمنی ده علاوه ایتشددر . بزم ، موجودیت مزه وحق بقا مزه ایمانمز متزلزل در . شیمیدی « بر آتش عزم وهیجان » کورونمسی لازم کلن شان منور مزک وجهه مزک عرض ایتدیکمز سیای غیر رجلا نه - سیای مؤنثانه دیمک ایسته به مم - نهوت ایستنبولک - عمومیت اعتبار یله - عرض ایتدیکمی سیای غیر رجلا نه بوکشور ایچین ناقوس رحلتک چالیندیغی ، ادرک محزون وبی قرار مزه قارشی با کلا شدت ادعا ایتکده در .

بیر قوی ، بیر باجانی کسین بر بابا یکیت هیچ اولمازسه دیشلری قیجیر تاراق اظهار ألم ایتیم؟ بیر ولایتی استیلا به معروض اولان تورکیانک بر لحظه ایچین ژاپونیا اولدیغی فرض ایدم . شهبسز بوتون ژاپونیا نک ، قیرق الی میلیون ژاپونک ، هیچ اولمازسه بیر جز و وطنک ضیاعندن صوکره یاشاماق اوزره ، اوله به جان آتدیقلری وبوتون ایتراطولقک قلب وجانندن بیر رعشه مدهشه غضبک مرور ایتدیکمی در حال حس اولونوردی . زمان حکومتلرنده ، وطنلری بویه بیر فلاکت کرفتار اولان ژاپون زمامدارانی ، خطای اساسینک کیمه عائد اولدیغی دوشومنه لزوم کورمه به رک محضاتطمین وجدان ایچین مقدس بیر اتخار اولان وکندی الیه قارتی دشوب باغمر صاقلری دیشاری فیرلا تماغدن عبارت بولونان « خارجی ری » اجرا سنده بر آن تردد ایتملردی .

بن بوزهر زقوم حقیقتلری وطنداشلمه سوبله به به مجبور و مدیونم . بونکه برابر بن نا امید دکل وبوتون تورکیا وطنداشلمه توزیع ایتدیکم حالده ینه کندیمده تطمین ایده بیله جکم مقداردن زیاده عزم وامیده قالا جغه قائم . طرابلس غربی مدافه سز بر افاق جانی منحصر آ بزم نسل وزمان مزه عائد دکادر وبو مجرملری تحری وتعیین ایتک زماننده دکلز . ایکی آیدن بری ایتالیا نک طرابلس غرب) ه استیلا قراری آشکار اولدیغی حالده ولایتی والرسز ، قوماندانسر ، مهماتسر ، عکرسز بر افاق

حق پاشا و قابینه نك محكمه و جدان ملته استطاقه چكلمه سنك
بيله - بحران زائل اولونجه يه قادار - تأمل اولونماسنى
آرزو ايدهم. ظاهر حالده مسئوليتك فجع و مستكره
برقم عظيمى حامل اولان صدر سابقك صور غوسر
سوالسز (مارين باده) «تيزه كيمه سنه مساعده ايدجك
قادار نه حكومتك نهده ملتك، جانسز و وجدانسز بر
نعش غير مغفور اولديغه كيمه احتمال و يرمه يور. نه قادار
مزمن و يا حاد اولورسه اولسون بوتون فرقه و اجتهاد
اختلافاتى يوركلر مزمن طرد ايدرك مالمزله جانمزله
حكومه، صدرنده «بوملكتده موفق اولماق ايچين انسان
ياشك اوغلو اشك يا كوپك اوغلو كوپك اولماليدر» ديمه يه
تزل ايمه ين مجرب، فطين ير روجل دولتك بولونديغى
حكومت مزه مظاهرتده تأخير ايمه يه چكر.

۱۹ ايلول ۱۳۲۷

عبدالله جودت



ترك لسانلرينك توحيدى

تركستان چيندن آوستريا حدودلرينه قدر اوزانان
قطعات وسيعده متمكن اقوام تورانيه آراسنده مناسبات
سياسيه حصولى تأمين ايمك اوزره ترك لسانك مختلف
لهجه لرينى برلشديرمك لازمنى بوكون دكله بيله يارين
بوتون شدتيه جس ايدجكز: چونكه هر قوم و ملت
كونك بزنده كندى لسانى اطرافنده طويلانمايه مجبوردر،
مستشرقيندن ارمان «(لهنا) نهري ساحلنده دوغوب
بويوش اولان بريا قوت برانسانبوللى ايله كوريشه بيلير.
واونك نه ديمك ايسته ديكنى قولايجه آكلار» ديمشدى.
بويله برحكمك مبالغه لى اولديغنده شبهه يوقنده هر حالده
ترك لسانك تونغوز، قاراماس، قوبيبال، آلان،
قيرغيز، چوواتس، مونغول، بوريات، اوستياق، ووغول،
قالوق كچي هنوز بابا بيلكدن قورتوله مايان لهجه لرى

آراسنده صميمي برمناسبت اشتقاقيه بولنديغى هر كس بيلير.
ديكر طرفدن ينه ترك ديلك عثمانلى، آذرى، اوغور،
چغتاي كچي دهامتدن اقوام آراسنده قوللانيلان لهجه لرى
تدقيق اولونه جق اولورسه بومناسبات لسانيه و اشتقاقيه نك
دها زياده اولديغى كوريلور. فى الحقيقه «عشق و محبت
ميخانه سنك رند قدح پيماي و شعر بلاغت كاشانه سنك
طوطى شكرخاني» ميرعليش نواي نك آثار مخلده سندن
باشقا لطفي، بابر ميرزا، عيىدخان، سلطان حسين بيقراء،
مير حيدر كچي ترك شاعر و محررلرينك قيمتدار اثرلرى
بوصوك دورت لهجه ايله متكلم اولان اقوام آراسنده
يك سهولته اكلاشيله بيلير. نواي نك «محبوب القلوب» ي
عثمانلى تركجه سنده يازيلان اك كوزك اثرلردن يك آز
فرقلى در. بو حكمتك نه درجه يه قدر مصيب اولديغى
اكلامق ايچونده قازانده و تركستانك ديكر يرلرده
بوصوك زمانلرده يازيلان آثار ادبيه يي اوقومق كافيدر.
ترك لسانلرى آراسنده كى مناسبات صهريره شوراده
كوسته رلمشدر:

۱، فينو اوغرييه ن؛

۲، ترك؛

۳، مونغول؛

۴، مانچو.

ايكنجى درجه ده مشتق اولان لسانلرده بونلردر:
فينو — اوغرييه ن:

لاپون — قلاتنديا — ماجار ديللريله اورال وولغا
نه رلرى آراسنده كى يرلرده قوللانيلان چرهميس، باشقير،
ووغول لسانلرى و قفقاسياده اسكى ابار ديلندن مشتق
اولان لسانلره سامويد ديلي؛

ترجكه:

عثمانلى، آذرى كچي غربى ترك ديللرى؛
اوغور، چغتاي، اوزبىك، كاشغر، تركمن، قيرغيز،